

PRIMEIRO EXERCICIO DO PROCESO SELECTIVO PARA O  
INGRESO POLA QUENDA DE PROMOCIÓN INTERNA NO CORPO  
ADMINISTRATIVO DA XUNTA DE GALICIA (GRUPO C)  
CONVOCADO POLA ORDE DO 11/09/2007

1.- De acordo co Estatuto de autonomía de Galicia, en materia de portos e aeroportos deportivos, a Comunidade Autónoma de Galicia ten competencias:

- a) De execución.
- b) Exclusivas.
- c) De lexislación básica.
- d) De desenvolvemento lexislativo e execución da lexislación do Estado.

2.- De conformidade co Estatuto de autonomía de Galicia, cal das seguintes afirmacións é correcta:

- a) A Comunidade Autónoma de Galicia ten competencia exclusiva sobre salvamento marítimo.
- b) Á Comunidade Autónoma galega correspóndelle a execución da lexislación do Estado polo que respecta á pesca fluvial e lacustre.
- c) Á Comunidade Autónoma de Galicia correspóndelle o desenvolvemento lexislativo e a execución da lexislación do Estado polo que respecta aos establecementos farmacéuticos.
- d) Á Comunidade Autónoma galega correspóndelle a execución da lexislación do Estado polo que respecta aos establecementos farmacéuticos.

3.- De acordo co artigo 36 da Lei 1/1983 de normas reguladoras da Xunta e da súa presidencia, a actuación da administración axústase aos principios de:

- a) Obxectividade, servizo ao interese xeral, desconcentración e coordinación entre os seus órganos.
- b) Legalidade, obxectividade, servizo ao interese xeral, publicidade, eficacia, xerarquía, economía do gasto público, desconcentración, descentralización e coordinación entre os seus órganos.
- c) Legalidade, obxectividade, servizo ao interese xeral, publicidade, eficacia, xerarquía, economía do gasto público, desconcentración e coordinación entre os seus órganos.
- d) Ningunha é correcta.

4.- De conformidade co establecido no artigo 4 da Lei 1/1983 de normas reguladoras da Xunta e da súa presidencia, cal das seguintes afirmacións é falsa:

- a) Á Xunta correspóndelle establece-las directrices e desenvolve-lo programa do goberno.
- b) Á Xunta correspóndelle resolve-los recursos en vía administrativa nos casos previstos pola lei.
- c) Á Xunta correspóndelle crear, modificar ou suprimir a vicepresidencia, ou vicepresidencias se as houber, e as consellerías, sempre que non supoña aumento do gasto público.
- d) Correspóndelle á Xunta acorda-la interposición de recursos de inconstitucionalidade.

5.- Segundo o artigo 50 da Lei 30/92, do 26 de novembro, de réxime xurídico das Administracións públicas e do procedemento administrativo común, na tramitación de urxencia:

- a) redúcense todos os prazos á metade
- b) so se poderá acordar de oficio non a instancia de parte
- c) non se poderá interpor recurso contra o acordo que declare a aplicación da tramitación de urxencia
- d) ningunha é correcta

6.- Con respecto á delegación da firma segundo a Lei 30/92, do 26 de novembro, de réxime xurídico das Administracións públicas e do procedemento administrativo común, ¿que é correcto?

- a) Altera a competencia do órgano delegante
- b) Para a súa validez é necesaria a súa publicación
- c) Non procederá nas resolucións sancionadoras
- d) Non procede a delegación da firma, só se delega a competencia

7.- ¿Cal das seguintes afirmacións é correcta de acordo coa Constitución Española?

- a) a delegación lexislativa pode outorgarse por tempo indeterminado
- b) unha lei de bases autoriza para a refundición de textos legais nun só
- c) un decreto lexislativo non pode ter rango de lei
- d) ningunha afirmación é correcta

8.- De acordo coa Constitución española, unha lei de bases:

- a) serve para refundir textos legais
- b) autoriza ao Goberno a dictar normas con rango de lei
- c) é unha forma de delegación lexislativa
- d) b) e c) son correctas

9.- De acordo co establecido na Lei 30/92, do 26 de novembro, de réxime xurídico das Administracións públicas e do procedemento administrativo común, ¿que non sería correcto?

- a) Unha disposición administrativa de carácter xeral é norma e polo tanto está dentro do ordenamento xurídico
- b) Ningunha disposición normativa poderá vulnerar os preceptos doutra de rango superior
- c) Para que unha disposición administrativa produza efectos xurídicos terá que publicarse no Diario Oficial que corresponda
- d) As disposicións administrativas non seguen un orde xerárquico

10.- En canto ás disposicións administrativas de carácter xeral e segundo a Lei 30/92, do 26 de novembro, de réxime xurídico das Administracións públicas e do procedemento administrativo común:

- a) Só poden recorrerse cando afecta ao interese xeral
- b) Para a súa impugnación é necesario interpoñer previamente o recurso que corresponda na vía administrativa
- c) Recórrense directamente ante a xurisdición contencioso administrativa, sen necesidade de recurso administrativo previo
- d) Non son impugnables pero si o son os actos administrativos que as aplican

11.- De acordo coa Lei 1/1983 do 22 de febreiro de normas reguladoras da Xunta e da súa presidencia, o Parlamento pode delegar na Xunta a potestade de ditar normas con rango de lei, pero ¿cal das seguintes materias non poderán ser obxecto de tal delegación?

- a) Ordenación do territorio e do litoral
- b) A aprobación do orzamento
- c) A promoción e o ensino da lingua galega
- d) Ningunha é correcta

12.- Unha vez publicado no Parlamento de Galicia un proxecto de lei da Xunta, os deputados e os grupos parlamentarios dispoñen dun prazo para presentar emendas mediante escrito dirixido á Mesa da Comisión de:

- a) 10 días
- b) 30 días
- c) 15 días
- d) 20 días

13.- Sinalar, de acordo co establecido no artigo 55 da Lei 30//92 de réxime xurídico das Administracións públicas e do procedemento administrativo común, cal das seguintes afirmacións é correcta:

- a) Os actos administrativos produciranse sempre por escrito.
- b) Nos casos nos que os órganos administrativos exerzan a súa competencia de forma verbal, a constancia escrita do acto, cando sexa necesaria, efectuarase e asinarase polo titular do órgano inferior ou funcionario que a reciba oralmente, expresando na comunicación do mesmo a autoridade da que procede.
- c) Non poderán ser dictados de forma verbal.
- d) Nos casos nos que os órganos administrativos exerzan a súa competencia de forma verbal, a constancia escrita do acto, efectuarase e asinarase polo titular do órgano inferior ou funcionario que a reciba oralmente, expresando na comunicación do mesmo a autoridade da que procede.

14.- As Administracións Públicas, de acordo coa Lei 30/1992 de Réxime xurídico das Administracións Públicas e do procedemento administrativo común, poderán proceder á execución forzosa dos actos administrativos:

- a) Só naqueles actos que necesiten aprobación ou autorización superior.
- b) Sendo necesario o previo apercibimento.
- c) Só cando se trate de actos de gravamen
- d) En ningún caso

15.- Sinalar a resposta falsa de acordo coa Lei 30/1992 de réxime xurídico das Administracións públicas e do procedemento administrativo común:

- a) As Administracións públicas poderán revogar os seus actos de gravamen ou desfavorables en calquera momento.
- b) As Administracións públicas sempre de oficio poderán rectificar os erros materiais, de feito ou aritméticos existentes nos seus actos.
- c) Iniciado o procedemento de revisión de oficio, o órgano competente para resolver poderá suspende-la execución do acto, cando esta puidera causar prexuízos de imposible ou difícil reparación.
- d) As Administracións públicas poderán rectificar en calquera momento, de oficio ou a instancia dos interesados, os erros materiais, de feito ou aritméticos existentes nos seus actos.

16.- De acordo coa Lei 30/ 92 de réxime xurídico das Administracións públicas e do procedemento administrativo común, as multas coercitivas:

- a) Nunca deben ser reiteradas.
- b) A súa forma e contía deben estar autorizadas por lei.
- c) Son incompatibles con outras sancións que se poidan impoñer.
- d) A súa forma e contía deben estar autorizadas por unha norma de carácter regulamentario.

17.- Con respecto ao trámite de audiencia cal de estas afirmacións é correcta de conformidade co artigo 84 da Lei 30/1992 de réxime xurídico das Administracións públicas e do procedemento administrativo común:

- a) en ningún caso se poderá prescindir do trámite de audiencia
- b) poderase prescindir do mesmo cando exista informe preceptivo e este sexa favorable
- c) terase por realizado o trámite se antes do seu vencemento os interesados manifestan a súa decisión de non efectuar alegacións
- d) o trámite de audiencia non serve para aportar documentación e outras xustificacións

18.- No caso de que un órgano administrativo acordara un prazo de información pública segundo o previsto no artigo 86 da Lei 30/1992 de réxime xurídico das Administracións públicas e do procedemento administrativo común:

- a) a Administración quedaría suxeita a dar resposta razoada a quen comparecese
- b) a non comparecencia derivaría na imposibilidade de interpoñer os recursos procedentes contra a resolución definitiva
- c) quen compareza terá a condición de interesado
- d) ningunha resposta é correcta

19.- ¿Cal destas afirmacións é correcta segundo o Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia ?

- a) Non terán a condición de pagamentos para xustificar as provisións de fondos de carácter permanente que se realicen a pagadorías, caixas e habilitacións para a atención de gastos periódicos ou repetitivos.
- b) As ordes de pagamento cursadas con carácter de para xustificar aplicaranse aos créditos orzamentarios que correspondan e os seus perceptores quedarán obrigados a xustificar a aplicación das cantidades recibidas no prazo de dous meses.
- c) A Intervención Xeral da Comunidade Autónoma establecerá as normas que regulen a expedición de ordes de pagamento para xustificar.
- d) Poderán expedirse ordes de pagamento para xustificar con cargo a calquera concepto orzamentario.

20.- Contra os actos que poñen fin á vía administrativa, segundo a Lei 30/1992 de réxime xurídico das Administracións públicas e do procedemento administrativo común:

- a) Só se pode interpoñer recurso contencioso administrativo
- b) Só cabe recurso de casación
- c) Pódese interpoñer recurso de reposición ou ben impugnaloo directamente ante a xurisdición contencioso administrativa
- d) Ningunha é correcta

21.- De acordo co Real decreto 2/2000, do 16 de xuño, polo que se aproba o texto refundido da Lei de contratos das Administracións públicas, como regra xeral nun procedemento aberto para a adxudicación de contratos das Administracións públicas, ¿cal é a antelación mínima para publicar no Boletín Oficial do Estado correspondente anuncio de licitación?:

- a) 15 días contando dende o último día para admisión de proposicións
- b) 30 días contando dende o último día para admisión de proposicións
- c) 1 mes contando dende o último día para admisión de proposicións
- d) 3 meses contando dende o último día para admisión de proposicións

22.- ¿Que documento dos seguintes non será necesario que se incorpore ao expediente de contratación segundo o Real decreto 2/2000, do 16 de xuño, polo que se aproba o texto refundido da Lei de contratos das Administracións públicas?

- a) A memoria do proxecto
- b) O prego de prescricións técnicas particulares
- c) O prego de cláusulas administrativas particulares
- d) O certificado da existencia de crédito.

23.- ¿Cal das seguintes afirmacións non é correcta de acordo co Real decreto 2/2000, do 16 de xuño, polo que se aproba o texto refundido da Lei de contratos das Administracións públicas?

- a) O contratista terá dereito o abono da prestación realizada
- b) A execución do contrato farase a risco e ventura do contratista
- c) O contratista non terá dereito á transmisión dos dereitos de cobro
- d) Cando o contratista por causas imputables a este houbera incurrido en demora respecto ao cumprimento do prazo total, a Administración poderá optar pola resolución do contrato

24- Tal e como establece o Real decreto 2/2000, do 16 de xuño, polo que se aproba o texto refundido da Lei de contratos das Administracións públicas, o órgano de contratación dunha obra celebrada pola Administración xeral do Estado necesitará a autorización do Consello de Ministros cando o orzamento da obra sexa como mínimo:

- a) 3.020.242,09 euros
- b) 6.020.242,09 euros
- c) 9.020.242,09 euros
- d) 12.020.242,09 euros

25.- Segundo o artigo 97 da Lei 7/2007, do 12 de abril, do estatuto básico do empregado público, as infraccións leves prescribirán no prazo de:

- a) Un mes
- b) Seis meses
- c) Un ano
- d) Dous anos

26.- Segundo o artigo 37 da Lei 7/2007, do 12 de abril, do estatuto básico do empregado público, queda excluída da obrigatoriedade da negociación colectiva:

- a) A determinación das condicións de traballo do persoal directivo
- b) A determinación e aplicación das retribucións complementarias dos funcionarios.
- c) Os criterios xerais para a determinación de prestacións sociais e pensións de clases pasivas
- d) Os plans de previsión social complementaria.

27.- De acordo co artigo 89 da Lei 7/2007, do 12 de abril, do estatuto básico do empregado público, cando, finalizada a causa que determinou o pase a unha situación distinta á de servizo activo, se incumpra a obriga de solicitar o reingreso ao servizo activo no prazo en que se determine regulamentariamente, o funcionario pasa a unha situación de:

- a) Excedencia voluntaria por interese particular
- b) Servizos especiais
- c) Servizo activo
- d) Suspensión de funcións.



28.- Segundo a Lei 4/88, do 26 de maio da función pública de Galicia, a creación ou modificación dos corpos ou escalas farase por:

- a) Decreto
- b) Lei
- c) Resolución
- d) Orde da Consellería en cuestión

29.- Se a Intervención Delegada dunha consellería formula un reparo, e o órgano xestor ao que se dirixa non acepta dito reparo, e formula discrepancia, ¿Quen deberá resolver esta discrepancia?

- a) A propia Intervención Delegada.
- b) É irresoluble e parálzase o expediente.
- c) O Consello de Contas.
- d) A Intervención Xeral da Comunidade Autónoma

30.- Segundo o Decreto lexislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, a denominada auditoría operativa terá por obxecto:

- a) A avaliación da eficacia e a eficiencia alcanzadas na xestión dos recursos públicos adscritos a unha entidade para o cumprimento dos seus obxectivos.
- b) Recomendar e propoñer melloras e modificacións nos procedementos de xestión económico-financeira.
- c) A emisión dun dictame sobre se a información contable do órgano controlado se presenta de acordo cos principios, cos criterios e coas normas contables que sexan aplicables.
- d) Determinar se se cumpriu coa legalidade e coas normas e directrices, internas ou externas, que resulten aplicables.

31.- De acordo co artigo 46 do Decreto lexislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, non forman parte dos orzamentos

- a) As estimacións dos fluxos financeiros das sociedades públicas.
- b) As operacións nas que a actividade da Comunidade se limite á realización de funcións de intermediación na súa xestión.
- c) Os beneficios fiscais estimados.
- d) As obrigas que, como máximo, se poderán recoñecer e os dereitos que se prevexan liquidar por parte da Comunidade e dos seus organismos autónomos durante o exercicio orzamentario.

32.- De acordo co artigo 97 do Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, requiren intervención previa:

- a) Os gastos de obras, de xestión de servizos públicos, de subministración, de consultoría e asistencia e dos servizos, por importe inferior ó que de se-lo caso se estableza na Lei de orzamentos de cada ano
- b) Os gastos de carácter periódico e demais de tracto sucesivo, unha vez intervido o gasto correspondente ó período inicial do acto ou contrato do que deriven, ou as súas modificacións, así como aqueloutros gastos que de acordo coa normativa vixente se fagan efectivos a través do sistema de anticipos de caixa fixa.
- c) A autorización e disposición das subvencións que figuren nos orzamentos con asignación nominativa
- d) Ningún dos anteriores require intervención previa

33.- ¿Como se realiza a forma de provisión de vacantes de postos de traballo reservados a persoal laboral na residencia oficial do Presidente da Xunta de Galicia?

- a) Concurso de traslados.
- b) Adscripción temporal
- c) Libre designación
- d) Acódese ás listas do INEM

34.- ¿Antes da súa correspondente intervención, quen asina as nóminas do persoal da Xunta?

- a) O conselleiro
- b) O secretario xeral
- c) O habilitado
- d) O Interventor xeral

35.- ¿Cal e o límite anual de horas extraordinarias que poderá facer o persoal laboral da Xunta de Galicia?

- a) 80 horas
- b) 40 horas
- c) 120 horas
- d) non hai límite.

36.- ¿Cal das seguintes nóminas non existe, atendendo a súa forma e período de liquidación?

- a) Extraordinarias
- b) Incidencias
- c) Diferencias
- d) Unificadas

37.- ¿Cando se entende a existencia de infrarrepresentación nun determinado corpo, escala, grupo ou categoría da Administración Autonómica na oferta de emprego público, de acordo coa Lei 7/2004, do 16 de xullo, galega para a igualdade de mulleres e homes?

- a) Cando existe unha diferenza porcentual de polo menos dez puntos entre o número de mulleres e o de homes
- b) Cando existe unha diferenza porcentual de polo menos vinte puntos entre o número de mulleres e de homes
- c) Cando existe unha diferenza porcentual de polo menos trinta puntos entre o número de mulleres e de homes
- d) Cando existe unha diferenza porcentual de polo menos cincuenta puntos entre o número de mulleres e de homes

38.- No Consello Galego de Participación das Mulleres no Ámbito do Emprego e das Relacións Laborais, cal dos seguintes colectivos non é necesario que estea representado, tal e como establece a Lei 2/2007, do 28 de marzo, do traballo en igualdade das mulleres de Galicia?

- a) Departamento da Administración competente en materia de Igualdade
- b) Representantes da Confederación de Empresarios de Galicia
- c) Representantes das Asociación de mulleres
- d) Representantes das Asociacións veciñais

39.- O artigo 13 da Lei 31/1995, do 8 de novembro, de prevención de riscos laborais (LPRL) establece que a presidencia da Comisión Nacional de Seguridade e Saúde no Traballo corresponderá a:

- a) Secretario xeral de emprego e relacións laborais
- b) Director do Instituto Nacional de Seguridade e Hixiene no Traballo
- c) Subsecretario de sanidade e consumo
- d) A quen elixa a dita Comisión reunida en pleno.

40.- De acordo co Real decreto legislativo 5/2000, do 4 de agosto, polo que se aproba o texto refundido da Lei sobre infraccións e sancións no orde social, a falta de limpeza do centro de traballo constitúe:

- a) Sempre unha infracción leve.
- b) Unha infracción moi grave cando sexa habitual ou cando de iso se deriven riscos para a integridade física e saúde dos traballadores
- c) Unha infracción leve se non deriva en risco para a integridade física ou saúde dos traballadores.
- d) Son correctas as respostas b) e c).

41.- Sinalar cal das seguintes afirmacións é correcta, se como consecuencia da mobilidade funcional que se establece no artigo 39 do Estatuto dos traballadores, se realizan funcións superiores ás do grupo profesional ou ás de categorías equivalentes:

- a) Por un período superior a seis meses durante un ano ou a oito durante dous anos, o traballador poderá reclamar o ascenso, si a elo non obsta o disposto no Convenio colectivo ou, en todo caso, a cobertura da vacante correspondente ás funcións por el realizadas conforme ás regras en materia de ascensos aplicables na empresa, sen prexuízo de reclamar a diferenza salarial correspondente.
- b) Por un período superior a oito meses durante un ano ou a dez durante dous anos, o traballador poderá reclamar o ascenso, si a elo non obsta o disposto no Convenio colectivo ou, en todo caso, a cobertura da vacante correspondente ás funcións por el realizadas conforme ás regras en materia de ascensos aplicables na empresa, sen prexuízo de reclamar a diferenza salarial correspondente.
- c) O traballador poderá reclamar en calquera caso, o ascenso á categoría do posto de traballo desempeñado.
- d) Por un período superior a seis meses durante un ano ou a oito durante dous anos, o traballador poderá reclamar o ascenso en todo caso.

42.- A retribución dun traballador cun contrato de traballo en prácticas, de acordo co artigo 11 do Estatuto dos traballadores:

- a) Será a fixada en convenio colectivo para os traballadores en prácticas, sen que, no seu defecto, poida ser inferior ao 60 ou ao 75 por 100 do salario fixado no convenio para un traballador que desempeñe o mesmo ou equivalente posto de traballo.
- b) Será a fixada en convenio colectivo para os traballadores en prácticas, sen que, no seu defecto, poida ser inferior ao 60 ou ao 80 por 100 do salario fixado no convenio para un traballador que desempeñe o mesmo ou equivalente posto de traballo.
- c) Será a fixada libremente polo empresario e traballador en virtude do principio de liberdade de pactos.
- d) Será a fixada en convenio colectivo para os traballadores en prácticas, sen que, no seu defecto, poida ser inferior ao 60 ou 75 por 100 durante o primeiro ou o segundo ano de vixencia do contrato, respectivamente, do salario fixado no convenio para un traballador que desempeñe o mesmo ou equivalente posto de traballo.

43.- De acordo co Real decreto lexislativo 1/1994, do 20 de xuño, polo que se aproba o texto refundido da Lei xeral da seguridade social, a base reguladora da pensión de xubilación, na súa modalidade contributiva,:

- a) Será o cociente que resulte de dividir por 112, as bases de cotización do interesado durante os 96 meses inmediatamente anteriores a aquel en que se produza o feito causante, computándose no seu valor nominal as bases de cotización correspondentes aos 24 meses anteriores a aquel en que se produza o feito causante.
- b) Será o cociente que resulte de dividir por 180, as bases de cotización do interesado durante os 112 meses inmediatamente anteriores a aquel en que se produza o feito causante.
- c) Será o cociente que resulte de dividir por 210, as bases de cotización do interesado durante os 180 meses inmediatamente anteriores a aquel en que se produza o feito causante.
- d) Será o cociente que resulte de dividir por 180, as bases de cotización do interesado durante os 112 meses inmediatamente anteriores a aquel en que se produza o feito causante, computándose no seu valor nominal as bases de cotización correspondentes aos 24 meses anteriores a aquel en que se produza o feito causante.

44.- O Real decreto lexislativo 1/1994, do 20 de xuño, polo que se aproba o texto refundido da Lei xeral da seguridade social, no seu artigo 211, establece que a contía da prestación por desemprego determinarase aplicando á base reguladora as seguintes porcentaxes:

- a) O 70% durante os 180 primeiros días e o 60% a partir do día 181.
- b) O 80% durante os 180 primeiros días e o 70% a partir do día 181.
- c) O 70% durante os 180 primeiros días e o 50% a partir do día 181.
- d) O 80% durante os 180 primeiros días e o 60% a partir do día 181.

45.- O Comité das Rexións foi creado polo Tratado de:

- a) Roma
- b) Niza
- c) Maastricht
- d) Amsterdam

46.- O mandato do Presidente do Comité Económico e Social da Unión Europea é de:

- a) Dous anos
- b) Catro anos
- c) Cinco anos
- d) Seis anos

47.- ¿Cantos “avogados xerais” existen no Tribunal de Xustiza das Comunidades Europeas?

- a) Oito
- b) Doce
- c) Quince
- d) Un por Estado membro

48.- ¿Que Institución comunitaria asume o rol de “garda dos Tratados”?

- a) O Consello
- b) A Comisión
- c) O Parlamento
- d) Os Estados Membros

49.- Con carácter xeral, ¿en que norma xurídica se regulan os orzamentos da Comunidade Autónoma de Galicia?:

- a) Na Lei 47/2003, do 26 de novembro, xeral orzamentaria.
- b) No Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia.
- c) Na Lei de réxime financeiro e orzamentario de Galicia aprobada por Real decreto lei 1/1999, do 7 de outubro.
- d) Na Lei de orzamentos xerais da Comunidade Autónoma de Galicia do ano 2000.

50.- Segundo o artigo 73 do Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, a disposición do gasto é o acto:

- a) En virtude do cal a autoridade competente acorda a realización dun gasto calculado en forma certa ou aproximada.
- b) En virtude do que se acorda, concerta ou determina segundo os casos a contía concreta que debe alcanzar o compromiso económico para a realización de todo tipo de prestacións.
- c) En virtude do cal se expide a orde de pagamento contra a Tesourería da Comunidade Autónoma a favor do respectivo acredor.
- d) Que se plasma no documento contable “A” e que non implica relación con terceiros.

## **PREGUNTAS DE RESERVA:**

1.- De acordo co Decreto lexislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, o orzamento de cada exercicio liquidarase en canto á recadación de dereitos liquidados e ao pagamento de obrigas recoñecidas:

- a) Cando se executen todos os dereitos pendentes de cobro.
- b) Ata o 15 de decembro do ano natural correspondente.
- c) Ata o 15 de xaneiro do ano posterior.
- d) Ata o 31 de decembro do ano natural correspondente.

2.- Segundo o establecido no artigo 38 da Lei 31/1995, do 8 de novembro, de prevención de riscos laborais (LPRL), os delegados sindicais que non estean incluídos na composición do comité de seguridade e saúde da empresa ¿poderán participar nas reunións do dito comité?

- a) Non.
- b) Si, previa autorización por escrito do comité.
- c) Si, con voz pero sen voto.
- d) Si.

3.- Segundo se establece no artigo 26 do Estatuto dos traballadores, o salario en especie non poderá superar o:

- a) 20% das percepcións salariais do traballador
- b) 10% das percepcións salariais do traballador
- c) 30% das percepcións salariais do traballador
- d) 25% das percepcións salariais do traballador



## SUPOSTO PRÁCTICO

A empresa X de Pontevedra, conta cunha plantilla de 100 traballadores e 8 aprendices, entre eles está Pepe, un alto directivo cun pacto de permanencia por dous anos na citada empresa e, María, licenciada en Económicas desde hai dous anos, á vista disto contestar ás seguintes preguntas:

51.- Pepe antes de cumprir os dous anos e por motivos persoais decide deixar de prestar os seus servizos na citada empresa polo que o día 1 de marzo informa ao empresario que o día 30 de xuño deixará o seu posto de traballo, é isto correcto:

- a) Sí, xa que ha de avisar ao empresario cunha antelación mínima de 15 días.
- b) Non é necesario o aviso previo.
- c) Sí porque ha de preavisar cunha antelación mínima de 3 meses.
- d) Sí porque ha de avisar ao empresario con 6 meses de antelación

52.- Antonio ten 17 anos, carece de titulación e quere traballar na mesma empresa:

- a) Pode formalizar un contrato para a formación.
- b) Só pode formalizar un contrato para unha obra ou servizo determinado.
- c) Non é posible xa que a empresa superaría o límite de aprendices e no convenio colectivo non teñen establecido o número máximo de contratos para a formación que a empresa puidese realizar.
- d) Ningunha é correcta.

53.- ¿Qué período de proba terá que superar Antonio?

- a) Non poderá ser superior a un mes
- b) 1 mes
- c) Un máximo de 2 meses
- d) Todas son falsas

54.- Polo que respecta a María, ¿qué tipo de contrato subscribiu coa empresa?

- a) Contrato para a formación.
- b) Contrato de interinidade.
- c) Contrato en prácticas.
- d) Ningún deles.

María supera unhas oposicións á Xunta de Galicia e pasa a prestar os seus servizos na Consellería de Educación e Ordenación Universitaria onde lle encomendan a xestión orzamentaria de parte dos créditos que conforman o orzamento de gastos de dita Consellería e que presenta o seguinte estado de execución:

SECRETARÍA XERAL		Cred. Definitiv	Gastos Autoriz.	Gastos Comprom.	Obrigas recoñ.	Propostas pagamento
09.01.421-A.220-02	Mat. Informático non inventariab.	50.000	35.000	35.000	20.000	20.000
09.01.421-A.221-00	Enerxía eléctrica	40.000	30.000	30.000	20.000	10.000
09.01.421-A.221-01	Auga.	10.000	8.000	8.000	6.000	4.000
09.01.421-A.223	Transporte	80.000	80.000	60.000	50.000	25.000
09.01.421-A.226-06	Reunións, conferencias e cursos	300.000	200.000	180.000	180.000	90.000
09.01.421-A.230	Axudas de custo	50.000	40.000	30.000	30.000	30.000
09.01.421-A.231	Locomoción	60.000	60.000	60.000	30.000	30.000
09.01.421-A.440-0	Museo Pedagógico Galicia	2.000.000	1.500.000	1.500.000	1.500.000	750.000
09.01.421-A.480-0	Bolsas catalogación, inventario e estud	4.000.000	3.000.000	1.000.000	1.000.000	1.000.000
09.01.421-A.626-1	Adquisición equip. procesos informac.	500.000	350.000	275.000	200.000	200.000
09.01.422-A.622-1	Construcións	7.000.000	7.000.000	6.500.000	3.000.000	2.000.000
09.01.422-A.222-00	Comunicacións telefónicas	200.000	100.000	100.000	50.000	40.000
09.01.422-A.222-02	Comunicacións telegráficas	60.000	40.000	40.000	30.000	10.000
09.01.422-A.760-0	Convenios cos concellos.	800.000	800.000	500.000	70.000	70.000
09.01.422-C.744-0	Convenios coas universidades	800.000	500.000	500.000	500.000	0
<b>D.X. DE ORDENACIÓN E INNOVACIÓN EDUCATIVA</b>						
09.02.422-A.220-00	Mat.oficina. Ordinario non inventariable	500.000	375.000	375.000	125.000	125.000
09.02.422-A.226-99	Gastos diversos. Outros	60.000	0	0	0	0
09.02.422-A.482-0	Educación infantil.	3.000.000	2.000.000	800.000	800.000	600.000

55.- Na partida de gastos 09.02.422-A.220-00, os díxitos “02” indican:

- Que se trata dun gasto de material de oficina
- Que corresponde a un gasto da Consellería de Educación e Ordenación Universitaria.
- Que se trata dun gasto do Capítulo 2.
- Que corresponde a un gasto da D.X. de Ordenación e Innovación Educativa.

56.- ¿Cal é o “saldo de disposicións” na partida 09.01.422-A.222-02?

- 10.000.
- 0.
- 20.000.
- 50.000.

57.- Na Secretaría xeral da Consellería de Educación e Ordenación Universitaria resulta necesario dotar de crédito a partida orzamentaria 09.01.421-A.223 por importe de 10.000. Existe crédito noutros conceptos orzamentarios, ante isto:

- a) Deberase tramitar un crédito extraordinario por tratarse de gastos en bens correntes e servizos.
- b) Unicamente cómpre tramitar unha transferencia de crédito da partida 09.01.421-A.220-02.
- c) Non é necesario tramitar ningunha modificación orzamentaria xa que existe crédito dispoñible a nivel de vinculación na partida orzamentaria 09.01.421-A.221-00.
- d) Non se poderá utilizar crédito por vinculación da partida orzamentaria 09.01.421-A.221-00 pero si da 09.01.421-A.230.

58.- Vaise iniciar un expediente orzamentario na partida 09.02.422-A.220-00 cun documento contable “AD” ¿Cal é a autoridade competente na autorización do gasto?

- a) O Director xeral de Ordenación e Innovación Educativa.
- b) O Secretario xeral da Consellería de Educación e Ordenación Universitaria.
- c) O Conselleiro de Educación e Ordenación Universitaria.
- d) O Consello da Xunta.

59.- Para afrontar gastos de locomoción na Dirección Xeral de Ordenación e Innovación Educativa necesítase a creación e dotación económica da partida orzamentaria 09.02.422-A.231, polo que se procede a realizar unha transferencia con crédito remanente do Capítulo 2 que deberá ser autorizada:

- a) Polo Director xeral de Ordenación e Innovación Educativa.
- b) Polo Consello da Xunta a proposta do Conselleiro de Economía e Facenda.
- c) Polo Conselleiro de Economía e Facenda por tratarse da creación dun novo concepto orzamentario.
- d) Polo Conselleiro de Educación e Ordenación Universitaria logo de informe da Intervención Delegada.

60.- A partida na que se recolle o gasto de “transporte”,

- a) Está desagregada a nivel capítulo.
- b) Está desagregada a nivel concepto.
- c) Está desagregada a nivel subconcepto.
- d) Está desagregada a nivel artigo.

Posteriormente tramitáronse os seguintes expedientes de gasto:

- 1º.- “AD” con cargo á partida orzamentaria 09.01.421-A.220.02 por importe de 10.000
- 2º.- “K” con cargo á partida orzamentaria 09.02.422-A.482-0 por importe de 150.000
- 3º.- “O” con cargo á partida orzamentaria 09.01.421-A.626-1 por importe de 50.000
- 4º.- “ADOK” con cargo á partida orzamentaria 09.02.422-A.220-00 por importe de 125.000
- 5º.- “D” con cargo á partida orzamentaria 09.02.422-A.226-99 por importe de 60.000
- 6º.- “OK” con cargo á partida orzamentaria 09.01.421-A.221-00 por importe de 10.000
- 7º.- “D/” con cargo á partida orzamentaria 09.01.422-A.622-1 por importe de 500.000

Á vista do exposto,

61.- ¿É de imposible execución algún dos trámites anteriores?

- a) Non.
- b) Sí, o exposto no punto 1º.
- c) Sí, o exposto no punto 5º.
- d) Sí, o exposto no punto 3º.

62.- ¿Cal será agora o importe de obrigas recoñecidas na partida orzamentaria 09.01.421-A.221-00?

- a) O mesmo, 20.000
- b) 0
- c) 10.000
- d) 30.000

63.- Os devanditos créditos da Secretaría Xeral e da Dirección Xeral de Ordenación e Innovación Educativa da Consellería de Educación e Ordenación Universitaria que recollan compromisos de gastos anteriores ao último mes do exercicio orzamentario e que non puidesen executarse ao remate do exercicio económico por causas xustificadas:

- a) Quedarán anulados de pleno dereito.
- b) Poderán incorporarse aos estados de gastos do orzamento do exercicio seguinte.
- c) Poderán incorporarse aos estados de gastos do orzamento do exercicio seguinte, sempre que os ditos compromisos de gastos acadasen a fase de disposición en contabilidade antes do último mes do exercicio.
- d) Terán excepcionalmente a condición de créditos ampliáveis nos estados de gastos do orzamento do exercicio seguinte.

Na Secretaría Xeral tense prevista a construción dun edificio, o orzamento da obra ascende a 7.000.000 € e logo da correspondente licitación adxudícase á empresa A por 6.500.000 €, notifícaselle ao adxudicatario o luns 11 de febreiro de 2007, iníciase a súa execución o día 3 de marzo de 2007, á vista desto:

64.- ¿De qué prazo dispón a empresa adxudicataria para acreditar a constitución da garantía definitiva?

- a) Ata o 28 de febreiro
- b) Ata o 21 de febreiro
- c) Ata o 26 de febreiro
- d) Dispón de 30 días a contar desde a formalización do contrato.

65.- O contrato formalizouse o día 28 e febreiro, é correcta esta data:

- a) Sí, porque había un prazo de 20 días
- b) Non, porque superou o prazo de 15 días
- c) Sí, porque o prazo remataba o día 18 de marzo
- d) Sí, están dentro do prazo.

66.- Expídese unha certificación de obra o día 5 de xuño e a Consellería demórase no seu pago ata o 31 de xullo, o contratista qué pode facer:

- a) Resolver o contrato.
- b) Proceder á suspensión do cumprimento do contrato.
- c) Pedir que se lle aboe o importe debido e o interese legal dos cartos incrementado en 1,5 puntos.
- d) Todas son falsas.

67.- Pídeselle tamén a María que xestione a compra de varios programas de ordenador a medida para a súa unidade administrativa, para o que se establece como base de licitación un orzamento de 350.000 € e resulta adxudicatario por un importe de 275.000 € a empresa Z inicialmente incurso en presunción de temeridade, neste caso, ¿qué tipo de contrato ten que tramitar?

- a) Consultoría
- b) Servizos
- c) Subministro
- d) Consultoría e asistencia

68.- ¿Ten que depositar o adxudicatario algunha garantía provisional?

- a) É potestativa para o órgano de contratación polo tipo de contrato de que se trata
- b) 11.000 €
- c) 5.500 €
- d) 7.000 €

69.- ¿Cal é o importe da garantía definitiva que ten que depositar o adxudicatario?

- a) 70.000 €
- b) 55.000 €
- c) 14.000 €
- d) 11.000 €

María casa con Xoan que se presenta a un proceso selectivo para cubrir prazas de persoal laboral fixo da Xunta de Galicia, que consegue aprobar:

70.- Co seu título de Grao medio poderá presentarse o proceso selectivo para cubrir prazas do Grupo:

- a) I
- b) II
- c) III
- d) As respostas b e c son correctas

71.- Para poder concederlle unha licenza sen soldo por un prazo de dez días, ¿cánto tempo deberá levar de servizo como mínimo?

- a) Seis meses
- b) Un ano
- c) Dous anos
- d) Non se lle poderá conceder por ser o prazo inferior a quince días

72.- Dentro da súa nómina inclúese o concepto complemento de singularidade do posto, cal dos seguintes conceptos non está incluído no mesmo:

- a) Perigosidade, toxicidade e penosidade
- b) Dispoñibilidade horaria
- c) Dirección
- d) Especial dedicación.

73.- Se desexase solicitar a excedencia voluntaria, ¿canto tempo deberá ter de antigüidade no posto e con cantas antelación debe solicitala?:

- a) Antigüidade 1 ano e antelación mínima 45 días
- b) Antigüidade 1 ano e antelación mínima 30 días
- c) Antigüidade 2 anos e antelación mínima 45 días
- d) Antigüidade 3 anos e antelación mínima 30 días

74.- Se resulta elixido membro de comité de empresa, tendo o seu centro de traballo entre 251 e 500 traballadores, ¿a cantas horas mensuais para realizar xestións conducentes á defensa dos intereses do persoal terá dereito Xoan?

- a) 10
- b) 20
- c) 30
- d) 50

75.- María vai de viaxe a Valencia e alí aproveita para presentar o día 15 de febreiro no rexistro da Consejería Y da Comunidad Valenciana, en nome de seus pais, unha solicitude para instalar unha industria agropecuaria dirixida á Consellería X da Xunta de Galicia competente na materia, solicitude que tivo entrada na mesma o día 20 de febreiro ¿é correcta dita presentación na Comunidad Autónoma de Valencia?

- a) Sí, sempre que se solicitara autorización para facelo
- b) Sí, sempre que se subscribira o correspondente convenio entre ambas Comunidades Autónomas.
- c) Sí, de acordo co artigo 38.4 da Lei 30/92 de réxime xurídico das Administracións públicas e do procedemento administrativo común.
- d) Debería terse presentado en Galicia.

76.- Posteriormente, o día 1 de marzo a Consellería X solicítalle aos interesados que aporten unha documentación indispensable para continuar o procedemento, o 20 de xuño a documentación non fora aportada, ¿qué sucede neste caso?

- a) Transcorridos 30 días enténdese que os interesados desisten da súa petición.
- b) Dáse por finalizado o procedemento por renuncia dos interesados
- c) Enténdese que os interesados desisten da súa petición.
- d) Producirase a súa caducidade.

77.- Xoan presenta o sábado 1 de marzo telemáticamente unha solicitude para un proxecto de investigación na Consellería XX sinalando o seu enderezo electrónico a efectos de notificacións, o órgano onde a presentou requírelle o día 7 de marzo e a través de dito enderezo que achegue uns documentos preceptivos e o 18 de marzo Xoan non accedera ao seu contido, ¿qué sucede neste caso coa notificación?:

- a) Substitúese pola publicación.
- b) Enténdese que a notificación foi rexeitada
- c) Non se pode entender rexeitada ata que transcorra o prazo legalmente establecido.
- d) Enténdese que a notificación foi rexeitada despois de ter constancia da posta a disposición no enderezo electrónico.



78.- A Consellería XX, decide acumular dita solicitude con outras coas que existe unha identidade substancial, ¿qué recurso pode presentar?

- a) Non cabe recurso
- b) Reposición
- c) Alzada
- d) Revisión

79.- No caso anterior, ¿de qué prazo dispón?

- a) Un mes se o acto é expreso e tres meses se non o fora
- b) Un mes
- c) Catro anos ou tres meses dependendo do tipo de acto
- d) Ningunha é correcta

80.- Contra a resolución de dito recurso, ¿qué pode facer Xoan?

- a) Interpoñer recurso potestativo de reposición.
- b) Interpoñer recurso contencioso – administrativo.
- c) Interpoñer recurso de alzada.
- d) Todas son falsas.

RESERVA 4.- No presuposto da Secretaría Xeral da Consellería de Educación e Ordenación Universitaria os gastos de investimento ascenden a:

- a) 7.000.000
- b) 500.000
- c) 0
- d) 7.500.000

RESERVA 5.- Unha vez elevada a definitiva a proposta de aspirantes que superaron o proceso selectivo, remitida polo tribunal, canto tempo terá Xoan, que aprobou no dito proceso, para presentar na Dirección Xeral da Función Pública a documentación acreditativa de cumprir os requisitos esixidos na convocatoria:

- a) cinco días
- b) dez días
- c) vinte días
- d) un mes

RESERVA 6.- No suposto formulado na pregunta 75, ábrese un período de información pública por se puidese haber terceiros afectados pola instalación da industria agropecuaria que se pretende, comparecen no procedemento varios veciños por considerarse afectados, ¿é isto posible?

- a) Non, porque non teñen ningunha solicitude previa presentada
- b) Sí, pero por si mesma a comparecencia non lle outorga a condición de interesados.
- c) Sí, e dita comparecencia outórgalle a condición de interesados.
- d) Son falsas a) e b).